



Waag
met toegerusde
VERTROUW



KRAGkidz

Junior Entrepreneurskompetisie

Sakeliga KragDag Ekspo
3-5 Desember 2020, 20 km oos van Pretoria


KragDag gee jou entrepreneurskap 'n hupstoot

Die junior entrepreneurs by KragDag het oor die jare 'n hoogtepunt vir baie van die KragDag besoekers geword. Die KragKidz Junior Entrepreneurskompetisie bied 'n informele platform waar kinders hulle entrepreneuriese vernuf kan toets en ook hulle sakgeld kan aanvul. By KragDag 2019 het junior entrepreneurs die geleentheid gekry om hulle idees en produkte aan 21 400 mense bekend te stel.

Beoordeling word gedoen deur suksesvolle sakemanne en daar is vir die wenner, behalwe vir die kontant, voortgesette mentorskapgeleenthede van onskatbare waarde. Selfs in die voorbereiding vir jou uitstalling by KragDag is daar reeds geleentheid om van ons besigheidsafrigting sessies by te woon.

Wonder jy wat jy kan doen? So lyk jou mede-entrepreneurs:

Van die produkte wat by vorige KragDag ekspo's aangebied is, sluit in pottebakkerij, kunsbenodighede, knipmesse, vrugte, nuutste nutsgoed, selfgemaakte braaiers, plante, pyl-en-boë, spiraalaartappelsnyers, borrelblaasars, kuikens en pluimvee, gedroogte vrugte, tuisgebakte produkte, sjokolade, swepe, storieboekvoorlesings, popklere en -meubels, robotika, erdwurms en kuns- en skilderwerk, akwaponiese voedselverbouing, seepvervaardiging, byeboerdery, skaapskeerderij en tuisgemaakte vuuraanstekers.



Kan jy goeie planne maak? Kom neem deel aan Sakeliga KragDag 2020 met ons leuse “Waag met toegerusde vertroue!”

Die wêreld lyk verseker nie meer dieselfde as wat dit 'n paar jaar gelede gelyk het nie en dit is “gewaarborg” om oor die volgende paar jaar steeds te verander. Behalwe dat jy nie meer kan aanvaar dat 'n skoolsertifikaat 'n werkseleentheid gaan verseker nie, lok daar in elk geval avontuurlike en uitdagende entrepreneursgeleenthede. Geleenthede skep inderdaad nie hulle self nie, dus moet elkeen van ons leer om 'n plan te maak, 'n geleentheid te skep vir onself en dit aan te gryp. Hiervandaan dan ons leuse “Waag met toegerusde vertroue!”. Hierdie kompetisie bied 'n geleentheid vir junior entrepreneurs wat hulle eerste treë na 'n vrye en volhoubare bestaan wil gee. Alhoewel enige jong entrepreneur by KragDag welkom is, is dit veral die entrepreneurs wat hulle nie net beperk tot inkomste uit die ekspo self nie, maar besig is om 'n heeljaar onderneming te bou, wat ons opgewonde maak.

Deelname Afdelings

Jy kan in een van die volgende afdelings deelneem, nie net om te wen nie, maar veral vir die kennis wat jy gaan opdoen:

Doelgerig:

Vir die bestaande of voornemende entrepreneurs (ouderdom 13 tot 21 jaar) wat ernstig is om 'n sukses van hulle entrepreneuriese loopbaan te maak en gretig en die vermoë het om met die nodige mentorskapleiding hulle hiervoor voor te berei.

Bywoning van die besigheidsontwikkeling mentorskapprogram sal nie net beperk wees tot die wenner nie, maar ook toeganklik wees vir ander toppresteerders.

Pryse:

1ste Pryse:	R 10 000
2de Pryse:	R 5 000
'n Besigheidsontwikkeling mentorskapprogram	

Voete Natmaak:

'n Ligter weegawe van die Doelgerig-pakket, hoofsaaklik gerig op jonger junior entrepreneurs (ongeveer tot 13 jaar).

Pryse:

1ste Pryse:	R 4 000
2de Pryse:	R 2 000

Beoordeling :

Beoordelaars sal binnekort aangekondig word en bestaan uit suksesvolle sakemanne en entrepreneurs onder leiding van Fergus Ferguson.

**Bepalings hierbo mag moontlik aangepas word.*

Om deel te neem en uit te stal:

- Mag jy nie ouer as 21 jaar wees nie.
- Mag jy met 'n volwaardige kosstal tydens KragDag (onderhewig aan beskikbaarheid) aan die Junior Entrepreneur kompetisie deelneem, maar die koste sal soos vir normale kosstalle R2 392 wees in plaas van R115. Knibbelgoed is nie hieraan onderhewig nie - skakel met die KragDag kantoor vir besonderhede.
- Benodig ons voor 6 November 2020:
 - Jou voltooide inskrywingsvorm (sien die aflaaiskakel vir die inskrywingsvorm op die volgende bladsy)
 - Jou R115 inskrywingfooï (R2 392 vir kosstal uitstallers).
 - Vir Junior Entrepreneurs wat in die Doelgerig afdeling deelneem, jou voltooide besigheidsvraelys (die vraelys is **elektronies** beskikbaar by ten einde voorsiening te maak vir verstelbare grootte van invulbare velde).
 - Vir Junior Entrepreneurs wat in die Voete Natmaak afdeling deelneem 'n mini besigheidsplan ('n kort beskrywing en motivering van jou besigheid in een/twee bladsye).
- Moet jy op 5 Desember 2020 jou uitstalling beman en beskikbaar wees vir die beoordelaars om jou uitstalling te beoordeel en met jou 'n onderhoud te voer (indien jy op Donderdag/Vrydag 3 en 4 Desember skool moet bywoon, sal ons jou vir hierdie dag verskoon.)

Sakeliga KragDag 2019 se winners!



Uitstalreëlins vir Sakeliga KragDag 2020:

Sakeliga KragDag 2020 vind plaas van Donderdag 3 Desember tot Saterdag 5 Desember 2020. Junior Entrepreneur deelnemers wat as gevolg van skoolverpligting nie Donderdag\Vrydag 3 of 4 Desember sy\haar uitstalling kan beman nie sal verskoon word, maar Saterdag is verpligtend.

Sakeliga KragDag 2020 vind plaas op Diamantvallei Landgoed (20 km oos van Pretoria). Tik KragDag in op [Google Maps](#) vir roete aanwysings.

Inskrywingsvorm:

Vul asseblief die [aanlyn inskrywingsvorm](#) in.

LW: Dui asseblief die volgende op jou inskrywingsvorm aan:

- Jou ouderdom
- Of jy op Donderdag\Vrydag die 3e en 4e Desember 2020 sal kan uitstal?

Inskrywings sluit 6 November 2020

Bankbesonderhede

KragDag
FNB
Takkode 258155
Rek. nr. 62377296431
Verwysing: Entrepreneur se naam

Navrae

Vir meer besonderhede oor die eksposoek besoek www.kragdag.co.za

Vir enige navrae skakel met ons by 087 231 1644 of joey@kragdag.co.za

Ons Borge en Media Vennote



SAKELIGA
SELFSTANDIGE SAKEGEMEENSAP



SOLIDARITEIT HELPENDE HAND
DEEL VAN DIE SOLIDARITEIT BEWEGING



F E R G U S M O R
inspiring wealth